

中國方志叢書·華中地方·第七八二號

據

清·謝旻等修，陶成等纂  
清雍正十年刊本

影印

江西省

# 江西通志



成文出版社有限公司印行

江西通志卷第八十二

人物十七

撫州府三

明

王漢字東石通政管弟也正德進士授禮部主事上三疏一言宋儒羅從彦李侗當從祀孔廟一言公伯寮馬融賈逵王弼何休戴聖王肅杜預當罷從祀一言忠烈如龍逢蘇武等二十人名臣如汲黯宋璟等二十人名儒如王通胡瑗等十四人祀典皆宜補入歷官浙江提學副使致政歸與同邑洪北山黃卓峯吳疎山共為翠雲講會學者宗之人物志

饒瑄字文璧以字行臨川人正德癸酉鄉試少不羈好馳馬江西通志卷八十二人物

舞劍弱冠委已於學即不為舉業劉振之習星歷算數山經地志九流百家之書無不通徹已乃覺其泛初善橫渠以禮為先之教中慕邵子靜生百原之學最後獨深信象山而遵體之蓋文璧之學凡屢變而卒歸於簡易云自號行齋學者稱為行齋先生同上

陳九川字惟濬號明水臨川人母夢吞星而娠年十九為李崆同所知正德進士請告三年授太常博士武宗欲南巡九川與舒芬夏良勝萬潮連疏諫止午門荷校五日杖五十除名世宗即位起原官進禮部員外郎中以主客裁革安費羣小恨之張桂與鉛山有隙誣九川以貢玉覬宏使通事胡士紳訟之下詔獄榜掠謫鎮海衛已遇恩詔復官致仕周流講學名山如台宕羅浮九華匡廬無不至也一

時講學諸公謂明水辨駁甚嚴令人無躲避處卒年六十九祀學宮明儒學案

按府志九川受業陽明問學至忘寢食陽明致會九川歸亟往經理其家著有明水先生集王遵巖為之序

劉穎字時秀臨川人正德進士由開化令徵拜御史以議大禮忤旨廷杖出按廣西時田州岑氏構亂請兵督勦斬岑邦彥於工堯隘穎功居多復按貴州以疾辭歸尋卒所著有小遲集人物志

葉竦字喬新臨川人正德進士授龍泉令縣多逋賦竦以誠心開諭積欠盡完調慈谿禱雨立應嘗大火拜之而滅傳以為神艱歸補常山未暮月縣復大治竦更三縣率前人以為難而竦輒著績陞刑部主事得疾歸卒府志

江西通志

卷八十二人物

二

劉最字振廷崇仁人正德進士以治最徵拜禮科給事中時執政欲以定策功要封拜最抗論其叨天之功事得寢會中貴有以齋醮怙寵者勢張甚最劾其罔上靡財言甚激直逮繫詔獄謫戍分省人物考

劉駕字振道最弟正德進士歷刑部郎中嘗疏爭世廟議禮事不報尋為遼陽分守參議謝歸尚雍睦敦實行古道自持有一斑集刺語等書人稱華嚴先生人物志

黃直字以方金谿人嘗遊太學諫武廟南巡癸未進士復疏陳勤治保躬四事授漳州府推官以長摺忤直持遂誣直受金活人赴訊日雷雨暴作事大白復疏請豫建太子繫錦衣獄後上感悟釋之謫判沔州丁艱服闋時編修楊公名以劾冢宰被逮朝臣無敢救者直抗疏救之併劾邵元

節等左道惑民上怒廷杖戍雷州穆宗登極贈光祿少卿  
學者稱卓峯先生同上

章袞字汝明臨川人嘉靖進士選授御史督學南畿狷介端  
嚴請屬不行士習一時蹶興務講求經濟實學痛黜詞章  
之習以劾左道亂政譏刺時宰左遷相從講學者益衆稍  
遷陝西副使督學政乞休不俟報而行所著章子瑣言學  
庸口義及詩文若干卷府志

黃紀字子陳臨川人嘉靖進士擢御史視居庸關首疏內臣  
紀揚奸狀上雖置揚於法而紀亦罷稍遷河南僉事紀儀  
觀甚偉遇事果決無所避以此見忌同上

王紹元字希哲金谿人鄉舉授碭山令河決築堤三十里捍  
之招逋民給種復業又立均地等法擢御史疏請罷馬市

江西通志

卷八十二人物

王

巡按貴陽宣慰安萬全擅兵爭繼首疏按之轉湖廣副使  
流寇猖獗撫臣薦紹元監軍結間謀得其降黨黃洪達爲  
鄉導焚賊營斬獲無算功上賜白金綵幣陞河南參政致  
政歸同上

吳悌字思誠金谿人嘉靖進士除樂安知縣調繁宣城徵授  
御史十六年應天府進試錄考官評語失書名諸生答策  
多譏時政帝怒逮考官下法司停舉子會試悌爲舉子求  
寬坐下詔獄尋得釋出視兩淮鹽政海溢沒通泰民廬悌  
先漕賑之而後奏聞尋引疾歸還朝按河南伊王典樞驕  
橫悌遺書稱爲友悌報曰殿下天子親藩非悌所敢友  
悌天子憲臣非殿下所得友王愈憚之夏言嚴嵩當國與  
悌鄉里嘗謁言衆見言新服宮袍競前譽之悌却立不進

亡問故徐曰俟談少間當以政請言爲改容及嵩擅政悌  
惡之引疾家居垂二十年嵩敗起故官一歲中累遷至南  
京大理卿時吳嶽胡松毛愷並以耆俊爲卿貳與悌稱南  
都四君子隆慶元年就遷刑部侍郎明年卒悌爲王守仁  
學然清修果介反躬自得爲多萬歷中贈禮部尚書謚文  
莊鄉人建祠與陸九淵吳澄吳與弼陳九川並祀曰五賢  
祠學者稱疎山先生白志

按孫承澤四朝人物考悌謚文端侯考

易文臨川人試棘闈擬定第一有嫌其卷太奇者遂不果以  
選貢業辟雍爲高淳縣丞署縣篆公解學宮先後經營苟  
利於民髮膚無愛建堤捍民比於蘇堤在高淳三年竟拂  
衣歸里生徒雲集所著書詩春秋大義又秋潭集若干卷

江西通志

卷八十二人物

王

分省人物考

董燧號蓉山嘉靖辛卯鄉舉任枝江縣時施州諸司爭立連  
兵十數年諸帥莫能平燧奉檄入壘諭以朝廷恩禮遂服  
撫按稱其以一騎當數萬雄師兩遷至刑部郎中大新所  
泉書院聞王心齋倡道海濱亟往師之歸與羅文恭作崇  
正會所著有周易問答圓通問答人物志

謝相字大卿金谿人由鄉舉授東安知縣初歲飢吏僞增丁  
口冒賑繼者遂按籍征賦民困甚相爲請得減千三百戶  
奸人殺四人棄其屍獄三年不決相禱於神夜夢四人泣  
語屍所獄遂成子廷諒廷讚俱進士白志

陳宗慶字崇吉金谿人嘉靖舉人知岷縣治尚禮教弟鐘同  
科舉人任鄭州鍾弟鉦以丙午舉人授榮昌令皆以方正

見稱鏗子一夔戊辰進士歷温州知府有惠政從姪所敏同登戊辰進士工部郎中節冗費多善績先後著聲金谿言家法者必推陳氏府志

徐良傳字子弼東鄉人嘉靖進士館閣諸公屈指人才必以良傳爲首以武進令卓異召拜吏科給事中會迎仙宮成朝議稱賀良傳謂異端充塞不能匡救忍從諛乎上疏語侵權貴幾罹不測罷歸築廬峴臺下以古文法教授里中所著有愛吾廬槍榆等集人物志

陳灼字文晦臨川人嘉靖進士由行人擢御史風節甚著督醴河東首建書院屏居十八年召還歷卿寺建牙西蜀平都蠻草坡諸寇已起吏部侍郎晉左都御史巨璫敗詔籍其家得朝士姓名於記牘中惟灼與太宰嚴清不與立朝

江西通志

卷八十二 人物

五

風采凝峻室無姬媵門無游客上數頷而嘆曰真重臣也子以德進士仕終副使府志

曾佩字德甫臨川人嘉靖進士擢御史巡視居庸關疏九邊糧餉論馬市邊政諸疏皆中肯綮以建儲事抗疏杖戍當州與湛甘泉何古林講明理學不以斥逐介意穆宗登極赦還臺省薦章十數上竟不起有元山文集子如海姪如春姪孫國禎應瑞應星俱進士同上

黃鉦字克靜宜黃人嘉靖進士汝寧推官擢比部主事忤權貴左遷歷山東濱州知州地瀉鹵民多流移鉦平賦緩徵給種發粟逋民復業者數千家著有應山集法律管見元風問難人物志

黃希憲金谿人嘉靖進士歷官知嘉興府以清白自矢置天

鑿簿登記贖錢毫不自私又勤於課士躬親校藝爲諭俗文以諷戒小民水旱步禱屢有靈應分省人物考

按黃希憲所著有蘭臺奏章自警編效顰初榮入楚入蜀藁若干卷

譚綸字子理宜黃人嘉靖進士除禮部主事遷職方郎中台州知府綸沉毅知兵時東南倭患已四年參將戚繼光募鄉兵禦賊數有功綸亦練千人自衛倭犯柵浦繼光以道阻失援綸自將擊之三戰三捷又連破之章安葛埠南灣加右叅政會憂去以薦起復將浙兵尋改官福建擢右叅都御史代游震得巡撫任倭屯崎頭城都指揮歐陽深搏戰中伏死倭遂據平海衛陷政和壽寧各扼海道爲歸計綸環柵斷路賊不得出移營渚林繼光至綸自將中軍總

江西通志

卷八十二 人物

六

兵官劉顯俞大猷將左右軍令繼光以中軍薄賊壘左右軍繼之大破賊復一府二縣詔加右副都御史考舊制建水砦五扼海口薦繼光爲總兵官以鎮守之境內悉定四十四年冬大足民作亂陷七城詔改綸四川至已破滅雲南土酋鳳繼祖遁入會理綸會師討平之進兵部右侍郎總督兩廣軍務兼巡撫廣西招降岑崗賊江月照等綸練兵事朝廷倚以辦賊遇警輒調居官無淹歲迨南寇略平而邊患方未已隆慶元年給事中吳時來請召綸繼光練兵詔徵綸還部進左侍郎總督薊遼保定軍務自兵事起邊臣牽制議論不能有爲綸疏切言之而巡撫劉應節果異議巡按御史劉翔巡關御史孫代又劾綸自專帝悉以兵事委綸而諭應節等無撓綸初至按行塞上遂與繼光



圖上方略築敵臺三千起居庸至山海控守要害以功進  
兵部尚書其冬予告歸神宗即位起兵部尚書五年卒官  
贈太子太保謚襄敏白志

周宗武字文啓臨川人爲宜都令會峒賊寇施州誘其渠殲  
之治行爲十五郡最賜璽書褒美擢廉州知府清操愈厲  
人謂之貞廉州云府志

徐善慶字元禎金谿人嘉靖進士知汝州教民植稻至今稱  
其田爲徐公田擢職方郎與分宜不合棄官歸養所著有  
武選集來清軒詩同上

高應芳字惟實金谿人嘉靖進士巡按山東恩威並著時青  
州有聚衆稱勤王兵者應芳探其奸密擒首惡伏法餘黨  
解散晉太僕卿疏馬政八事詔著爲令所著有羊洞遺藁

江西通志 卷八十二 人物 七

舒化字汝德臨川人嘉靖進士授衡州推官隆慶初遷刑科  
都給事中帝任宦官旨多從中下化言法者天下之公大  
小罪犯宜悉付法司不當則臣等論劾若竟自敕行則喜  
怒未必當而法司與臣等俱虛設詔是其言有校尉負屍  
出北安門兵馬指揮孫承芳見之疑有奸繫獄鞫訊詞連  
內官李陽春陽春懼訴於帝言尉所負非死者出外乃死  
承芳妄生事刑校尉帝信之从承芳六十斤爲民化請以  
陽春所奏下法司勘問不納時高拱當國路楷陽順以構  
殺沈鍊論死拱欲爲楷地謂順首禍順死楷可弗坐化取  
獄牘示拱曰獄故無鍊名有之自楷始楷誠罪首出爲陝  
西參政再疏致仕歸萬歷中召拜刑部侍郎刑部缺尚書

手詔用化會續修會典因輯嘉靖三十四年以後事例與  
刑名相關者三百八十二條奏之詔頒示中外尋稱病乞  
歸卒贈太子少保謚莊僖列卿錄

陳文燧字汝相臨川人嘉靖進士授御史首疏正諸臣從祀  
條陳時宜十二疏皆中肯綮巡宣大糾代藩橫肆疏互市  
誤國計大觸時忌移巡雲南督撫藉征儂妄殺報功者甚  
衆復林連無辜文燧悉平反之設義塚收葬幾四十萬滇  
獄囚四百人奉旨決處止決四人不稱旨外謫歷參政拂  
衣歸臺省交薦不赴人物志

鄒子先宜黃人令常山捕獲巨盜金珠萬計知爲大賈所失  
悉以歸之士民爲建却金亭歷陞高州知府不赴府志  
李伯廉金谿人嘉靖舉人知柳州歲歉且大旱枕藉死者無

江西通志 卷八十二 人物 八

算伯廉齋居步禱忽大雨決口五鶴從空飛繞士民歡呼  
播酋蠢動擢馬湖僉事以勞卒於官同上  
劉世享字覺悟臨川人嘉靖進士爲涇縣令序立條教山澤  
之利聽民自取置社倉教積貯輸征有等胥徒凜若負霜  
邑故多虎害爲文以禱虎負子去擢吏部士民泣祖於采  
石即其地亭焉邑四鄉各有祠分省人物考  
桂天祥字子興臨川人嘉靖進士授祁門知縣時江浙界中  
山盜竊發漸逼徽祁故無城天祥刻日鼎築民不勞而工  
究至今賴之擢御史出按山西世宗有廢后之議舉朝無  
敢言者天祥具疏痛切不報出爲順德知府政績天下第  
一卒於任時年四十五同上  
陳文煥號靜菴文燧弟嘉靖進士由紹興府推官拜侍御首

疏請雪兩京冤獄遂著爲例出按陝西直聲大抵復出爲嚴州知府乞歸杜門十餘年終浙江布政司參議同上

聶廷璧字子雍金谿人嘉靖進士由郎署出爲潁州僉事有鳳陽陵監夙養亡賴前後使者皆不敢問廷璧密獲贓之璫忿甚日伺短長竟無可乘陞福建兵備副使有平倭功請終養歸府志

曾如春字景默嘉靖進士巡撫河南時鑛使四出獨中州倚如春調劑得免騷動又路藩數督遊所在震驚抗疏以聞詔責護衛諸臣民始晏然以工部侍郎總督河道疏築有法至今賴之同上

李東明號勿齋臨川人受學於羅近溪年未四十棄舉子業爲丹徒教諭遷柳州不赴教人務以躬行爲主規言矩行

江西通志 卷八十二 人物 年八十餘監司郡縣造廬請益言不及私婦人孺子皆稱爲勿齋先生鄒元標諸公嘗引吳聘君陳檢討例薦於朝移書止之講學崇儒書院門人有欲傳其語錄者東明曰語錄原非先儒之意且其字義半用佛經皆門人之設也其持論矜慎如此所著有孝悌格言勿齋集人物志

徐汝陽臨川人隆慶進士爲武進令巡撫海瑞薦爲武選主事條上兵事十二策得旨以僉事討賊廣東單車抵瀧水圖上方畧請罷客兵惟專用廣兵乘賊出掠提精銳五千

人趨峒火焚藤橋賊聞官軍旣入驚潰渠魁就俘因以瀧水爲羅定州置東安西寧兩邑適外艱歸民遮道哭留歷官光祿寺卿同上

帥機字惟審臨川人隆慶進士由禮部郎出守思南謫鄴丞

時寧夏班師上平西夏頌詔錄史館皇太子出閣又獻出閣講學頌皆蒙嘉納機慧敏純固肆力討論嘗日夕忘寢食然吏事非其所長著南北一京賦表上於朝有陽秋館集四十卷行世府志

朱東光臨川人隆慶進士初授平陽知縣有土豪殺人匿屍數十年不能斷東光甫下車即廉得眞屍於郊外民以爲神擢戶科給事中廣東參政致仕歸修宗譜建祠宇置義田有范文正遺風同上

張應雷金谿人隆慶進士授湖州府推官會大旱祈求僚屬視爲故事應雷獨齋居露處爲民步禱大雨隨之以剛方坐謫再補楚令拂衣歸多著作工韻語并善書畫作金谿文獻考行世人物志

王懋德字敬甫金谿人隆慶進士授翰林編修侍經筵尋引假歸郡邑長欲望見顏色不可得以南少司成召起舟次臨清疾卒貧無以殮賻贈文至其子奉遺命謝卻之同上

周邦傑字英甫臨川人隆慶進士爲給事中劾罷翁司馬請汰承運等庫內官梁忠等七百人直聲大振時黃道瞻曾乾亨鄒元標魏允貞等相繼以言事觸譴皆上疏力救護貸又力雪建言部臣趙世卿之冤歷陞通政疏乞終養嚴居二十餘年母喪哀毀幾殆所著有潛籟二泉遊燕岳塞音吳諧明發樓藁府志

王民順字道服金谿人隆慶進士宰廣寧猺獷寇張奉委募兵於浙約束嚴明馳數千里無敢譁者授御史按蘇松請罷織造蠲逋賦終左布政使同上

汪南通志 卷八十二 人物 王懋德字敬甫金谿人隆慶進士授翰林編修侍經筵尋引假歸郡邑長欲望見顏色不可得以南少司成召起舟次臨清疾卒貧無以殮賻贈文至其子奉遺命謝卻之同上

周邦傑字英甫臨川人隆慶進士爲給事中劾罷翁司馬請汰承運等庫內官梁忠等七百人直聲大振時黃道瞻曾乾亨鄒元標魏允貞等相繼以言事觸譴皆上疏力救護貸又力雪建言部臣趙世卿之冤歷陞通政疏乞終養嚴居二十餘年母喪哀毀幾殆所著有潛籟二泉遊燕岳塞音吳諧明發樓藁府志

王民順字道服金谿人隆慶進士宰廣寧猺獷寇張奉委募兵於浙約束嚴明馳數千里無敢譁者授御史按蘇松請罷織造蠲逋賦終左布政使同上

辜俊字子偉臨川人值東鄉盜起一夕猝至俊母老扶掖登山力乏不前母子俱為所執賊欲殺母俊曰寧殺我賊遂殺俊後有賊魁至罵曰辜秀才善人也何為殺之乃殺殺俊者而全其母 安志

余隆九樂安人司訓勝次子性篤孝時閩廣流寇破縣執勝去隆九亟奔賊營乞命賊欲併殺之忽狂風揚塵蔽日未幾雷雨大作賊曰此人能感天心未可加害父子俱得釋 同上

祝永壽號望坪臨川人隆慶舉人知福寧州事精明寬厚愛民禮士州城向皆甃石傾欹可踰永壽為請當道易以甃遂成堅堞歲當大造賦籍悉出手裁洞燭奸弊州民咸謂前有陸公今有祝公 福建通志

江西通志 卷八十二人物

二

鄒統臨川人知蓬州時巴中擾亂統外給軍餉內節民財勞苦萬狀逮賊平調去郡人追思之 四川名宦志

陳洪濛字元卿臨川人進士由主事陞彰德知府時鄭王好文學誤四箴規時事屬庶人佑善誣王上怒甚遣大臣就訊洪濛白其狀眾咸為危之乃曰吾守三尺耳奈何令上

有蔽讒間戕骨肉名獄上止錮王終身累陞叅政分守冀南道擒偵奸細又捕白蓮教諸賊特賜帑金會伊王恣橫不道都御史疏其罪遣使驗問不服乃廣賂求援上更遣少司寇趙覆按趙疏洪濛名與俱上允之曰是嘗按鄭藩

者耶聞命即往盡得王諸不法事辭具服國除洪濛兩平亭宗正事皆當旨以晉藩按洛尤異數云仕至副都御史巡撫貴州兼督湖北川東軍務致仕 山西通志

董裕號擴庵樂安人隆慶進士擢御史出按滇南奏免固原

等路虛耗及礦課各數萬莽囚竊發撫臣出禦忽報賊奄至裕不動聲色料民分守募壯丁扼險設伏賊遁去忤中貴左遷起為大理少卿以僉都御史提督鄖陽陞南工部侍郎抗列勳裔怙寵不法狀晉刑部尚書于告卒贈太子太保有仁孝會旨及奏草行世 人物志

聶良杞字子實金谿人隆慶進士授衛輝令徵拜禮垣有清祀典斥異端諸疏出典滇學置五華書院萃博士弟子讀習其中士風丕變晉閩叅辭弗赴歸田二十餘年手纂諸儒語錄弟良璧嘉靖進士子文麟萬歷進士仕終參政 府志

胡桂芳號瑞芝金谿人萬歷進士司李杭州藩司以善通數 江西通志 卷八十二人物

萬委桂芳追理密條上請詔蠲之歷湖廣大叅會有事于播奉檄偕督師李化龍治兵轉餉將軍劉挺李寅爭首功不相下桂芳為條析功狀兩軍懼然遂以成功黜撫缺神廟特旨老成持重莫如胡某遂以副都御史撫黔旋以工部侍郎督河道卒諡忠端 人物志

詹事講字明甫樂安人萬歷進士為御史上封事數十定新建伯王公檢討陳公布衣胡公從祀議按浙醜已督學南北畿得人稱盛會星變力陳主德時政之失又疏列李見羅破緬功李得輕宥公論壯之 同上

鄒光弼臨川人知鍾祥縣中官監稅開礦其鋒甚烈光弼獨抗之或諷使少婉光弼慨然曰龍飛王氣宜完與都黎民當恤安敢以小吏顧望致吾民破死相屬乎稅瑞陳奉社



茂銜之疏叅逮治久之復起為都水主事卒祀鄉賢著大學古本東叢放言同上

周孔教號懷魯臨川人萬歷進士為御史差長蘆巡鹽按河南督直隸學政皆以風采著倭蹂朝鮮封貢議起孔教上言古之良臣折衝樽俎之間見事萬里之外今正使已竊逃矣隨行已被殺矣沈維敬已被縛矣乃尚書石星執迷不悟奉揚方亨片紙為著龜而按倭之不變封事之苟成何其愚乎今日倭情不封固變封亦變惟有守朝鮮為上策朝鮮失則遼陽危遼危則京師震矣後皆如其言晉回卿巡撫應天總理河道回籍卒分省人物考

湯顯祖字若士臨川人少善屬文有時名張居正欲其子及第羅海內名士以張之聞顯祖及沈懋學名命諸子延致

顯祖謝弗往懋學遂與居正子嗣修偕及第顯祖至十一年始成進士授南京太常博士就遷禮部主事十八年帝以星變嚴責言官欺蔽並停俸一年顯祖上疏謂言官豈盡不肖蓋陛下威福之柄潛為輔臣所竊故言官向背之情亦為黜移但知自結於執政所得爵祿直以為執政與之縱他日不保身名而今日固已富貴矣陛下方責言官欺蔽而輔臣欺蔽自如失今不治臣謂陛下可惜者四朝廷以爵祿植善類今直為私門蔓桃李是爵祿可惜也羣臣風靡罔識廉恥是人才可惜也輔臣不越例子人富貴不見為恩是成憲可惜也陛下御天下二十年前十年之政張居正剛而多欲以羣私人黨然壞之後十年之政申時行柔而多欲以羣私人靡然壞之此聖政可惜也乞誠

諭輔臣省愆悔過帝怒請徐聞典史稍遷遂昌知縣上計京師奪官家居二十年卒白志

按湯顯祖所著有玉茗堂集

周獻臣字竅六臨川人萬歷進士授太康令為郡署免歸年未四十也學博而思驚務鉤奇出險以遠俗士耳目家置大甕數百鈔撰羣籍網羅古今異言奇事書成名曰鴻乙通葉文忠向高在政府上其書入祕閣以修史薦有旨報

聞所撰有嶠嶠山人語林鷺林外編英巨刺言人外臆史江西通志

吳道南字會甫崇仁人萬歷己丑廷對第二人授編修知經筵日講一日方進講光廟忽他屬目道南輟講俟改容乃終篇晉禮部侍郎請皇太子出講凡十上拒朝鮮大藥之請却吐魯番貢玉其務持大體如此艱歸禪除即家起為東閣大學士三疏辭不允抵京名對慈寧首請撤稅瑞下章奏補藩臬釋繫囚上皆嘉納之請告疏凡二十上會母喪乃得請作大政議二十條則道南絕筆也贈少保謚文恪著有日講錄巴山草曙谷集及奏議語錄諸書安志

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

吳仁度字繼疎萬歷進士授中書舍人三王並封議起抗疏爭之久之擢吏部主事歷考功稽勳郎中趙邦清被劾疑

同官鄧光祚等嗾言路憤激力辨章下考功仁度欲稍寬  
邦清罰給事中梁有年遂劾仁度黨比時光祚引疾去而  
仁度代為文選御史康丕揚復劾仁度傾光祚而代之自  
邦清被論後言路許不已都御史溫純甚請定國是以  
剖衆疑而深為仁度惜尋補南京刑部郎擢太僕少卿以  
僉都御史巡撫山西砥廉隅與魏允貞齊名居四年以疾  
歸熹宗初起大理卿進兵部右侍郎復稱疾去再起工部  
左侍郎天啓五年魏忠賢以仁度與越南星楊連等善勅  
令致仕尋卒白志

按吳仁度疎山先生之子故字繼疎人物志所載不詳  
白志考定

周曰庠字時化臨川人萬歷進士在諫垣首疏釋繫起廢先  
江西通志 卷八十二人物

後擊諸巨璫正人代藩冒嫡之議督視城工節金錢無算  
奉差便道歸省旋丁繼母艱哀如生母服除陞大理少卿  
卒有三垣奏議行世文集雜藁藏於家人物志

謝廷讚字曰可金谿人萬歷進士未授官即極論礦稅之害  
旋授刑部主事有詔於二十八年春舉行冊立冠婚之禮

將屆期廷讚上疏據易理以陳時事曰觀乾坤以明閭員  
之當補臺省之當選即損益以明礦稅之當撤即家人以  
明冠婚冊立之當速即中孚以明詔令之當信末言皇上

誠採納臣言即罪臣出位斥逐臣禁錮臣臣擊壤邱壑有  
餘榮矣持疏跪伏文華門候命帝震怒褫職為民是歲冊

立之禮不行廷讚歸僑寓維揚授徒自給久之卒天啓中  
贈尚寶卿白志

按謝廷讚所著有玉馬軒步邱草綠屋游霞繼亭等集  
謝廷諒字友可萬歷進士南京刑部主事帝命李廷機入閣  
又召王錫爵廷諒言廷機才弱而閹錫爵氣高而揚均不  
宜用又曰儲君之立為王也自錫爵始舉人之有考察也  
自廷機始巡按之久任也自趙世卿始章疏之留中也自  
申時行始年例之不舉考察之不下也自沈一貫始此皆  
亂人國者也疏入留中終順慶知府同上

按謝廷諒廷讚之兄所著有清輝館帶欄編起東草逢  
掖集

章正岳字益孟臨川人萬歷進士為杞縣令治河救荒聲望  
大起以卓異徵為吏部郎弟光岳字見前由進士中書改  
吏部出為山東參政歷太常通政至刑部左侍郎府志

江西通志 卷八十二人物  
何宗彥字君美其父由金谿客隨州遂家焉萬歷進士累官  
禮部侍郎署部事六年遇事侃侃敷奏時望甚隆旋乞假

去光宗即位即家拜禮部尚書兼東閣大學士天啓元年  
加太子太師建極殿大學士四年卒於官諡文毅白志

詹爾達號起鵬樂安人萬歷進士歷兵曹備兵湖南勦武陵  
藍山之寇平四川蘭囚值鄒滕白蓮妖賊起改大名道擢  
光祿寺卿以糾劾魏璫開任崇禎初以兵部侍郎起用辭

終養不赴人物志  
易應昌字瑞芝臨川人萬歷進士授甌寧令擢御史巡漕督

江北學政晉大理少卿忤璫削奪璫敗以副院起佐臺時  
京師有囚獄之變帝震怒司寇中丞皆以忤旨下法司少  
司寇及廷尉皆不敢出一語獨應昌奮筆請從寬擬上不



可應昌曰法如是止矣臣不敢以一官易一命也三復執奏如初上愈怒遂并寘應昌於辟閣部皆力救不聽會天日晝晦雷震殿庭上悔趣詔停刑辛未春早保章氏奏言大臣有寃上始出應昌等論戍後數載敘復同上

李學旻字本仁臨川人從諸父致吾勿齋窮濼洛之學萬歷

己酉鄉舉為國子監學正祭酒唐大章朔望必請陞講座率諸生聽講南雍稱為盛事擢守秦州章鹽稅築堤壩以

杜水患親擒巨窩州民德之左遷漢川今時寇蹂荆襄距

縣僅再宿無城可守為立礮墩設柵架守禦有方賊不敢犯乃建議築城遂為巖邑病亟告歸吳楚皆祀名宦府志

朱欽相字如容臨川人萬歷進士由平湖令徵拜吏科給事

熹廟初封保媪客氏為奉聖夫人欽相首疏極諫媪佯求

江西通志 卷八十二 人物 七

出以激上怒謫歸以薦起原官時八閩苦海寇晉福建巡

撫馳檄海上召渠帥面諭利害帥感泣歸命忌者誣構逮問上察其廉介有素釋之人物志

吳之甲字元秉臨川人萬歷進士督浙江學政淹雅好奇以

唐宋制科法拔俊英士雜詩賦詔誥試之文風自是一變卒於官丰裁峻厲以經世大業自命不竟其用人惜之有

靜排集三十卷弟之仁癸丑進士為御史有聲終湖廣布

政司上

邱兆麟字毛伯臨川人萬歷進士由行人擢御史崇禎初即

家起為河南巡撫始兆麟巡方時建天中書院以崇德勸學去中州大猾數十人諸政畢飭尤盡心獄事所閱審錄

冊二千一百八十有奇所列矜疑開釋者至二百二十有

奇至是兩河習其前政上下宜之加兵部侍郎卒於任所著有樂餘園水暄亭玉書庭集六十餘卷又按豫仁言四卷皆行於世同上

魏光國字合虛東鄉人父廷用知龍門縣創橋為渡至今稱

魏公橋光國萬歷進士授行人風節自許應詔言事語侵當軸廷推擬晉銓司忌者格之不報乞養歸著有文竿兼

古堂集同上

張瑀號慎軒臨川人萬歷舉人吉水教諭與鄒南臯以德業

相砥礪南臯推為畏友得士如周瑞豹劉同升郭之祥王宏劉渤皆先後成大名歷官刑部郎中出守肇慶徭獯叛

奉檄督勦三閱月悉平瑀功為第一陞甘肅兵備副使致

仕卒府志

江西通志 卷八十二 人物 八

陳鍾盛字稚德文燧孫萬歷進士番禺知縣聞祖計非嫡孫

不應承重堅請守制歸服闋改教授陞助教疏劾魏瑞建生祠大學前且侵御道非法瑞敗擢禮部主事教習駙馬

公主已降府駙馬尚於門外日行叩頭禮三年始就婚鍾盛抗疏言非會典儀注化源所係亟宜釐正有旨如盛奏

復言掌府內臣諸要挾狀拂瑞意降調旋補南兵部主事擢禮部郎中歷知登州皮島兵變謀從登入海鍾盛預為

守禦備登保無恙陞曹濮道卒同上

曾棟字隆吉臨川人萬歷進士由祠部郎陞四川驛傳道時

土官董卜與高箕稱兵相攻撫臣請於朝以兵事屬棟董卜嘗入貢朝議疑其鴛鴦將羈留之棟持議不可引卜請

闕上疏得釋歸至是卜諭其眾曰是向嘗生我者拒之不

祥遂與高箕盟而還亂遂定以功屢晉布政使子亨應崇  
積進士自有傳人物志

李大覺字覺之金谿人萬歷鄉舉授穀城知縣穀爲楚蜀咽喉之會數被寇井里蕭然大覺招集流移守具稍定以事謁撫軍聞賊逼城亟馳歸率民兵死守援絕城陷繫印於肘縊死堂上楚撫王楊基檄行襄郡建忠烈祠同上

湯開遠字伯用顯祖次子崇禎五年由舉人爲河南推官帝惡廷臣玩愒持法過嚴開遠疏諫其畧曰陛下臨御以來明罰敕法小臣大臣禁獄者相繼見廷臣薦舉不當疑爲黨徇惡廷臣執奏不移疑爲藐抗以策勵望諸臣戴罪者多而不開以立功之路以詳慎責諸臣引罪者衆而不諒其致誤之由望推諸臣以心待諸臣以禮諭中外法司以

江西通志

卷八十二 人物

七

平允至錦衣禁獄非賊寇奸宄不宜輕入帝怒摘其疏中語責令指實乃上奏曰時事孔棘諸臣補救良難有過可議亦有勞可準有罪可程亦有情有原今綜核太過懲創太深往往朝所爲縲辱擯棄不少愛之人而野以爲推重嗚嘆不可少之人上與下異心朝與野異議欲天下治平不可得也蘇州僉事左應選任昌黎縣令率土著保孤城乃用小過卒以賊議事急則鉅萬可捐事平則錙銖必較向使昌黎不守同于遵永不知費朝廷幾許金錢安所得涓滴而問之給事中馬思理御史高倬值草場火發狂奔盡氣無救燎原此不過爲法受過耳更欲以他罪論則甚矣宣大巡按胡良機陛下知其諳練兩任巖疆尋因過誤褫革輿論惜之監兌主事吳澧宵旦河干經營漕事運弁

稽違量行責戒乃褫革之夫兵諱則爲兵易將諱則爲武抑文勇於諱而怯於鬪安用此驕兵驕將爲末復爲都御史陳于廷易應昌申辨帝怒切責之河南流賊大熾開遠監左良玉軍躬擐甲胄屢致克捷帝以天下用兵意頗重武督撫失事多逮繫而大將率姑息開遠以爲偏復上疏言文臣未必無才能乃有寧甘罷黜必不肯任不敢任者以任亦罪不任亦罪不任之罪猶輕而任之罪更重也行間失事無日不議處議罪而於蕩寇安民毫無少補則今日所少者豈非大公之賞罰哉帝得奏大怒命削籍解京訊治左良玉偕將士七十餘人合奏乞留巡按金光辰亦備列其功狀以告帝命釋還戴罪辦賊十年正月討平舞揚大盜楊四論功擢按察僉事監安廬三郡軍是時賊

江西通志

卷八十二 人物

三

入擾江北開遠數有功巡撫史可法薦其治行卓異進秩副使監軍如故十三年與總兵官黃得功等大破革裏眼諸賊賊遂乞降朝議將用爲河南巡撫竟以勞瘁卒官軍兵咸爲泣下贈太僕少卿白志

黃樸金谿人進士通判寧波渡海親覈昌國軍儲盡除宿弊復籍海舟什伍相保各有標驗奸萌肅清浙江通志

鄒毓祚臨川人天啓進士令武陵逆璫構邑紳唐紹堯坐贓六千金毓祚爲指俸勸施不足後考滿藩司以此斬之毓祚抗聲曰朝廷額供不及果當褫此乃勢璫私憾耳徵入西臺疏起竄逐諸臣又疏列閹黨孫雲鶴等罪狀語太迫切落職稍起至職方司郎中府志

祝徽字文柔臨川人天啓壬戌會魁巡按山西單騎行邊周

覽扼塞邏者執樵採人冒賞按實釋之邊人德焉平臺召對條奏起廢進賢緩刑勤政等疏內艱歸時徽年已高猶哀毀不自勝尋遺疾卒所著有言餘集及邊防京儲鹽策等書人物志

艾南英字千子東鄉人萬歷末場屋文腐爛南英深疾之與同郡章世純羅萬藻陳際泰以興起斯文為任乃刻四人所作行之世世入翕然歸之稱為章羅陳艾天啓四年南英始舉於鄉座主檢討丁乾學給事中郝土膏發策試魏忠賢南英對策亦有譏刺語忠賢怒削主考籍南英亦停三科崇禎初年始詔許會試久之卒不第而文日有名負氣凌物素所交亦多憚其口始王李之學大行天下談古文者悉宗之後鍾譚出而一變至是 負重名於詞

江南通志

卷八十二 人物

三

林痛相糾駁南英和之於下排詆王李不遺餘力南京繼覆江西郡縣盡失南英乃入閩留居一載以疾卒於延平

按南英究心史學為古今全史千餘卷編集甫竣遽罹兵火與他著述俱散佚僅存

章世純字大力臨川人天啓辛酉舉人著有已未留書及章子留書凡天文律歷以至五行禽遁陰陽星卜之言一見即能剖其元微摘其疵謬授翰林孔目有旨召對以語音期吃辭條上兵事極言禁旅邊鎮及召募客兵之弊出為柳州知府時年已七十矣聞京師變悲憤發疾卒于柳州人物志

傅朝佑字右君臨川人舉鄉試第一師事郝元標天啓二年

進士授中書舍人考選補兵科明年八月疏劾首輔周延儒陰擅威福明毒忠良忤旨切責遷工科左給事中疏陳當務十二事一納諫二恤民三擇相四勿以內批用輔臣五勿使中官司彈劾六勿令法外加濫刑七止緹騎八停內操九抑武臣驕玩十廣起廢十一敕有司修城積粟十二講聖諭六條旋出封益藩進刑科都給事中還朝愆期為給事中陳改新所劾貶秩調外未行疏論溫體仁六大罪帝怒除其名下吏按治踰月體仁亦罷中官杜勳重朝佑令其上疏請罪而已從中主之可復故職朝佑不應十一年冬國事益棘獲罪者滿囹圄朝佑乃從獄中上疏為請寬恤語過激廷杖六十創重卒福王時復故官 白志

按傅朝佑所著有英巨集

江南通志

卷八十二 人物

三

謝德溥號培元東鄉人天啓進士選庶吉士授簡討以省親歸杜門不出崇禎初召入晉侍讀纂修兩朝實錄知制誥平臺記註編纂六曹章奏上御經筵德溥矩度端嚴進止不失尺寸上目注之將特用矣時黨論繁興德溥力求南為國子祭酒假歸三晉宮階四預枚卜明旨敦趣以母老具疏力辭通籍三十餘年前後立朝不過五載恬於仕進知幾之哲有過人者母卒結廬深山改號雲菴有雲菴等集人物志

車夢瑤字玉符金谿人天啓進士歷任陝西副使駐涼州涼為河西極邊以軍功陞湖廣按察使治兵辰州會推河南巡撫命未下卒崇禎十三年察檄甘肅功特贈三級賜銀綺卹其家 府志

劉先春字伯陽天啓進士由庶吉士改刑科給事中時魏璫擅權在廷水火先春上疏謂諸臣不當以口舌事君而人君不當更以耳目任人廷劾逆璫謂祖宗無法天子無威幾蹈不測璫敗晉太常卿同上

陳際泰字大士臨川人家貧不能從師又無書時取旁舍兒書屏人竊誦從外兄所獲書四角已漫滅且無句讀自以意識別之遂通其義十歲於外家藥籠中見詩經取而疾走父見之怒督往田則攜至田所踞高阜而哦遂畢身不忘與艾南英輩以文名天下其為文敏甚一日可二三十首先後所作至萬首經生舉業之富無若際泰者崇禎三年舉於鄉又四年成進士年六十有八矣除行人居四年護故相蔡國用喪南行卒於道白志

江西通志

卷八十二人物

七

按陳際泰學業詳見羅文止所撰大士傳中所著四書五經制藝不下四五千篇此外有四書讀五經讀又有大乙山房藁已吾集子孝威孝逸並知名

龔廷獻號鑑惺金谿人天啓進士授行人選御史璫敗廷臣多毛舉細過互相彈擊廷獻疏言借題報復徒損國體亦壞心術宜一切禁止出按時理枉辯冤尤以矜恤為事人稱長者自免歸府志

孔大德字登小天啓丁卯鄉試第一南宮罷歸杜門著述研無儲累意興豁如著史評十五卷易解八卷秀野堂集聚園詩草十餘卷人物志

羅萬藻字文止臨川人天啓丁卯舉人與大士千子大力主文章之柄者四十餘年海內稱為四先生嘗憤邊事潰散

著本守議數千言大畧言今天下文武乖方內事殊瀆磨牙厲吻惟苞苴首門戶之死守不移一體之中痛癢既不自知搔抑亦無其具惟有坐以共斃而已崇禎己卯仰元璫以賢良方正薦有旨特用不赴授上杭令唐藩時擢禮部主事艾南英卒哭而殯之數月亦卒所著有小千園集同上

王廷垣字潛服東鄉人天啓進士由庶吉士授編修直起居注編纂章奏常奉使領詔冊封所至必問軍民疾苦山川扼塞還列疏入告上嘉納之歷陞庶子掌春坊事會上欲布素郊祀疏言事天以實不以文且乖禮制語殊切直改祭酒晉禮部侍郎所著內外制及奏議有留園集同上

江西通志

卷八十二人物

七

鄒士楷字行之臨川人天啓進士由中書改兵科給事疏言行間將帥數行更調兵將不習以後不必會推許經畧於本鎮慎擇酌量才品咨部題補庶相信既深所舉不負上嘉納之時國計日絀有言暫免各省直官入覲止令捐輸助餉者士楷抗議爭之謂見小利而忘大體何以風厲天下議遂寢自疏乞外補浙江按察副使同上

王肇對字銘新東鄉人天啓進士崇禎初拜御史所奏議皆關國家大計嘗曰居官必先分別公私人才消長之關亦在吾輩力持之耳巡按江南遭疾卒府志

陳其赤字石父崇仁人崇禎進士司理衢州歷西安守撫綏有方時秦中寇氛方熾獨西安得免以副使備兵川中獻賊圍攻嬰城固守成都陷不屈死之同殉者四十餘口惟長子存於家人物志



詹爾選字思吉樂安人崇禎進士擢御史閣臣錢士升以票

擬忤旨引咎回籍爾選具疏申救且言悖祖訓十二事上

大怒召府部科道同入武英殿面詰上聲色甚厲爾選從

容對曰臣所言祖訓尚不止此因述列朝聖政四十餘條

上屢改容起立左右閣臣皆戰慄爾選侃侃不少遜撓上

怒甚指疏中權宜苟且四字罪以指斥無奏對體命官校

拿下爾選大聲曰臣死不足惜皇上幸聽臣言事尚可為

死不聽臣亦可留為他日之思閣臣以下極力申救得免

死罷歸甲申以原官起用不赴同上

傅雲龍字蒸甫金谿人崇禎進士授中書京師戒嚴士卒僵

臥雨雪中雲龍上疏請更番城守又上勦敵圖幾疏皆得

旨累遷副使備兵台給計擒海寇竺武貝學杜等東陽許

都陰受逆闖偽劄首倡亂於金華雲龍簡勁卒倍道進以

除夕抵城下襲敗之轉漳南道參政府志

張斌字憲卿本姓姚臨川人金谿籍戊午鄉試第一乙丑進

士授大理評事擢禮部勳戚有聞河取利者立清之皆斂

戰不敢爭遷廣西蒼梧道卒官歸櫬日士民扶服數百里

不絕弟爛以庚辰特用賜同進士出身同上

黃配元字位兩樂安人崇禎進士令懷寧流寇焚掠江北城

守戒嚴皖城舊有余忠宣濠塹歲久湮沒配元銳意修復

又於濠外築牛馬牆繞以木柵以禦賊騎之衝突具蘭石

以挫敵鋒六年之間逆賊震鄰卒不敢逼行取校南兵科

給事中特旨以都御史巡撫安慶厲兵馬飭守禦上游屹

然方聯絡楚豫以圖大舉丁內艱去而江上不支矣前有

文肅後有中承皖人至今稱兩黃公祀名宦人物志

傅占衡字平叔臨川人少有異稟涉獵諸家經目不忘性淡

泊取事徵逐奉父山中謝絕一切所著漢書摭言編年國

策頗得史家之要嘗依郡志作臨川記三十卷有湘帆堂

集三十六卷白志

陳畫字惟易金谿人讀書躬行其學尤邃於易謂程子言易

象變占備乎辭由辭以得意為知易之大義而邵朱或有

異同也蔡虛齋至謂文王周公狹於邵子朱子密于孔子

語尤不倫作周易意十二卷循孔子之傳以測文周之辭

從文周之辭以測伏羲之卦庶幾得之又著雜言百五十

章別有易備易謀筮考諸書數十卷同上

徐奮鵬字自溟臨川人講學授徒四方裏糧問業屢填戶外

濱西道志卷八十二人物

嘗補毛詩朱傳著有古今治統二十卷辨俗十卷怡

集十卷學者稱為筆峒先生姪春溶有文名進士同上

李茹春字載陽臨川人崇禎進士知華亭縣賦重民疲布

白糧僉解者輒破家如春派運有法盡革陋規歲大歉

民聚眾劫巨室太守率兵往捕誹益甚如春單騎諭解民

類以安立祠水次祀之同上

王士和字萬玉金谿人崇禎庚午鄉舉南京既覆避地入閩

授吏部司務擢兵部主事閩一月甫擢知延平府唐王走

汀州留士和居守警報疊至召父老謂曰吾雖一月郡守

當與城存亡若等可速出母使數萬生靈盡膏斧鑕泉泣

士和亦泣退入內署謂其子宗翰曰吾一介書生數月而

忝二千石安敢偷生從容正衣冠投繯死時軍帥憐宗翰



欲受以官宗翰不受扶父觀歸人物志

揭重熙字祝萬臨川人崇禎丙子丁丑鄉會試皆以力經中式初授福寧知州福藩時擢吏部主事外艱歸用曾櫻薦以考功員外兼兵科給事中從傅冠辦湖東兵事瀘溪告警冠不能救重熙劾解冠任兵事遂皆委重熙復擢江西巡撫右僉都御史攻撫州不克而退桂藩授重熙兵部尚書兼右副都御史總督江西兵名募萬餘人薄邵武敗還率數十人赴百丈礮就空營炊食被執至建寧死白志黎民安全谿人崇禎十四年獻賊破襄陽時民安為遊擊率所部力戰矢盡被執罵賊不絕口而死同上

傅鼎銓字惟源臨川人年甫冠舉於鄉為文深靜如其人崇禎庚辰進士癸未特授翰林檢討闖賊犯闕銓投所居井

江西通志 卷八十二 人物 五

中家人挽出之後間道入閩被獲不屈死之撫州新志鄭夢眉金谿人崇禎十三年以舉人授四川南部令殫心撫字民鼻帖服張獻忠方肆屠掠又聞京師陷懷宗殉社稷北向長跪再拜畢正衣冠投繯而絕合室死難十餘人部民聚哭為立祠祀焉同上

李國正字仲將臨川人由舉人知未陽縣革解費陋規銀二千餘兩峒賊為寇捐金募民兵三千人堅壁待之賊從間道遁去乃縱兵斬數百人生擒其渠自是賊不敢窺境丁艱歸復補順昌卒於官同上

曾益字洪西臨川人以貢廷試特授兵部擢貴州安平道時獻賊入黔諸司皆遁獨益集兵拒守城破死之第杖以薦眾為蒲圻令亦死獻賊之難白志

曾亨應字子嘉臨川人崇禎進士歷官吏部文選主事十五

年秋詔起廢亨應以毛士龍李右謹喬可聘等十人上御史張懋爵劾其私遂謫去南京覆江西俱陷永寧王慈炎招連子峒土兵數萬復建昌入撫州寓書亨應亨應募兵數百未及會而撫州失亨應并長子筠被執俱死宗族死者二十人部卒死者三百餘人弟和應奉父棟避肇慶聞兄死曰烈哉兄為忠臣兄子為孝子復何憾肇慶又失乃拜辭其父投井死先是棟弟杖為蒲圻知縣杖兄益為貴州僉事俱死難人稱曾氏五節云始亨應為懋爵所訐人頗疑之後亨應死難而懋爵竟降闖賊為直指使同上王政岐字體仁臨川人幼孤母楊苦節勤課領鄉薦授鄱陽諭陞陽朔知縣俗好屠牛歲輸官八百金曰牛腓稅岐禁

江西通志 卷八十二 人物 六

私軍弗取其稅調臨桂縣里長例為鹽商挽舟灘峻水駛舟損責賠累死力請於上獲免通邑繪像祀之廣西通志桂春陽臨川人善化尉時下鄉催徵自備糈資貧民任將雞豚什物代估以完秋毫無犯民甚德之湖廣名宦志曾杖字季子臨川人崇禎間由辟舉授蒲圻令時寇氛交訌軍需旁午以息事寧人為務刻意城堦訓練鄉勇得勁卒三千人獻賊自陷省城後所至破竹咸寧嘉魚已設偽職杖獨傳檄討賊揚兵沙磧摧其前鋒月餘不敢逼城後單騎擊賊墜馬暴卒王墩廟鄉民吳珊瘞之廟側為草薤以

泯其迹其子來蒲發塚襚斂面色如生同上

周官字百度臨川諸生崇禎間在粵西以兵部郎檄諸路召募城陷死之廣西通志

陳峻字景川樂安人三歲失母繼母虐之飢寒楚撻無所不極人以語其父欲逐母峻時年十五號慟乞留父歿借其妻承歡繼母無異所生母為之感泣安志

徐模字子範臨川人少以孝著事繼母極承順撫兄子無異視子天衢由大行晉銓司丙寅忤逆璫閒住模大笑曰使汝失身則辱莫大焉同上

董宏學樂安人年十二母卒哭踴瀕死大父懼以慟天縻之塾執書垂淚不瞬謂其師曰師無以兒書為也吾僅欲得長侍吾母師亦感泣母柩故停館側一夕三鼓大雷雨忽聞嗚咽風雨聲相錯師心動曰得無某孺子猶號母所巫視之從電光中見其兩手翼柩如晤語然柩中似有應者巫護歸繼母凡六宏學事之皆如生母最後母楊嘗病疫

江西通志

卷八十二人物

无

人無敢近獨宏學日夕與俱壬申流寇肆掠宏學倉卒負母去賊見其四壁所列皆聖賢格言家獨免於燬同上

按安志孝義傳同邑尚有陳發張正綱詹德器張興純曾希和曾鈞金谿黎人瑞江華全大成臨川張大冠李伯美黃作龔以誠吳二崇仁聶瓊黃二嚴東鄉吳安邦吳大行姓名附錄於此

周文煒字赤之本金谿人生於大梁生平孤行已意屹立不移曰吾固坦然也因自號坦然入南雍就選得暨陽簿謝官歸築室秦淮曰壯為五洩遊人老作秦淮釣叟於願足矣子亮工號櫟園庚辰進士歿歷中外二十年能文章尤愛士故人士咸嚮往之江南流寓志

鄒孚孝字恭甫臨川人天啓丁卯鄉薦性豪邁家徒壁立飲

酒賦詩自若也因公車授蘄水教諭左良玉叛孝亟請民兵登陴縣令孔某望風迎降孝正衣冠坐明倫堂賊至挾之出罵門生平所守惟文章節義豈從反賊耶遂遇害府志

國朝

晁道焜字懷劬祖公詩建九經堂於金谿即今學宮也道焜少孤事母盡孝分產自取磽瘠曰吾年長尚習經營惟諸弟可憫耳順治丁亥大飢百計賑施周人緩急雖老不解年八十餘卒子星辛卯舉人有素心堂北山悟言集安志

按安志同邑傅振鉉樂安丁自昌俱有孝義傳

江西南通志

卷八十二人物

无

江琳字嘉玉金谿庠生順治五年金聲桓叛濫寇乘機搆亂假冒援師所至焚掠琳母朱被執琳傾貲求活母繼以簪珥力竭未厭遂殺琳琳女七歲見父死以石擊賊中額賊怒復殺女朱強起奪刀不勝併殺之同上

楊孕第字及君樂安人順治辛卯拔貢歷官鳳翔知府甲寅吳逆叛鳳翔為川咽喉進勦兵糧餉轉輸賴以不匱陞神木道副使以母老告終養歸卒于家同上

張朝國金谿人順治四年知松溪縣時兵燹後民多散處井邑一空朝國招集流亡結以恩信咸歸復業嘗自署其廳事云以名教為樂地登赤子於春臺後鄒西兵起遇害邑人皆為垂涕福建名宦志

李來泰字石臺臨川人順治壬辰進士授工部虞衡司主事出督江南學政已而巡視漕河復整飭蘇常水利農務裁缺歸里康熙戊午以博學宏詞徵明年授翰林院侍講卒

於京邸所著有連龕集四十餘卷并史館諸傳稿

安志

游東昇字曰生臨川人順治戊戌進士聞母變兼程歸以未

視舍殮為恨哀毀委頓遂不起人咸惜之東昇性介特復

好赴人緩急里人陷冤獄將鬻妻以賂吏立為白其事所

著有綠映樓集姪恢博通經史著深柳堂詩三十卷

府志

張應勝字鴻冥臨川人順治辛丑進士康熙九年任廣西梧

州府北流縣知縣十三年十月孫延齡據廣西省叛勝調

集鄉勇為守禦備偽將唐朝鳳以兵來攻勝率眾登坪分

兵拒守三日夜勢危不支守備常某開西門出降勝出南

門督戰力孤不敵為賊所言家丁五人吏何涵俱死之雍

正三年遣官

諭祭

府志

江西通志

卷八十二 人物

三

劉嘉猷金谿人由舉人授新建學教諭陞候官知縣中寅耿

精忠叛力拒偽命遂被害事聞贈僉事

子祭葬

安志

原良字鳴善樂安人篤志聖賢之學年八十餘猶孜孜講習

或諷以過勞良曰人如魚書如水水所以養魚魚不勞于

水書所以養心心不勞于書也所著有三山存業十編步

藹草二十四卷彙紀三卷詩集六卷

安志

江球字宜芻金谿人康熙辛未進士授庶常改御史歷官左

副都御史天性孝友撫異母弱弟愛踰己子人無間言言

動以禮自持與人溫溫可親然清介特甚不可干以私辛

卯典北闈試癸巳典武闈會試凡因緣請託悉禁不得發

在官三十年淡若寒素以老成謹愼著年六十有八卒

新志

江西通志卷第八十二

江西通志

卷八十二 人物

三